

REGLUGERÐ

um breytingu á reglugerð um flugvernd nr. 361/2005.

1. gr.

Markmið.

Markmið þessarar reglugerðar er að innleiða reglugerðir framkvæmdastjórnarinnar um breytingu á reglugerð (EB) nr. 622/2003 með síðari breytingum um ráðstafanir til að framfylgja sameiginlegum grunnreglum um flugvernd, með þeim breytingum sem lúta að ákvörðun sameiginlegu EES-nefndarinnar nr. 87/2008.

2. gr.

Innleiðing.

Með reglugerð þessari öðlast gildi hér á landi eftirtaldar reglugerðir framkvæmdastjórnar Evrópusambandsins með þeim breytingum og viðbótum sem leiðir af XIII. viðauka EES-samningsins, bókun 1 um altæka aðlögun og öðrum ákvæðum hans:

1. Reglugerð framkvæmdastjórnarinnar nr. 1477/2007 frá 13. desember 2007 um breytingu á reglugerð (EB) nr. 622/2003 um ráðstafanir til að framfylgja sameiginlegum grunnreglum um flugvernd, merkt fylgiskjal XIX, samkvæmt ákvörðun sameiginlegu EES-nefndarinnar um breytingu á XIII. viðauka EES-samningsins nr. 87/2008 frá 4. júlí 2008.
2. Reglugerð framkvæmdastjórnarinnar nr. 23/2008 frá 11. janúar 2008 um breytingu á reglugerð (EB) nr. 622/2003 um ráðstafanir til að framfylgja sameiginlegum grunnreglum um flugvernd, merkt fylgiskjal XX, samkvæmt ákvörðun sameiginlegu EES-nefndarinnar um breytingu á XIII. viðauka EES-samningsins nr. 87/2008 frá 4. júlí 2008.

Reglugerðirnar eru birtar sem fylgiskjöl með reglugerð þessari.

3. gr.

Gildistaka.

Reglugerð þessi er sett samkvæmt heimild í 6. mgr. 70. gr., sbr. 145. gr. laga um loftferðir nr. 60/1998 með síðari breytingum og öðlast þegar gildi.

Samgönguráðuneytinu, 27. febrúar 2009.

Kristján L. Möller.

Ragnhildur Hjaltadóttir.

Fylgiskjal XIX.**REGLUGERÐ FRAMKVÆMDASTJÓRNARINNAR (EB) nr. 1477/2007**

frá 13. desember 2007

um breytingu á reglugerð (EB) nr. 622/2003 um ráðstafanir til að framfylgja sameiginlegum grunnreglum um flugvernd

(Texti sem varðar EES)

FRAMKVÆMDASTJÓRN EVRÓPUBANDALAGANNA HEFUR,

með hliðsjón af stofnsáttmála Evrópubandalagsins,

með hliðsjón af reglugerð Evrópuþingsins og ráðsins (EB) nr. 2320/2002 frá 16. desember 2002 um sameiginlegar reglur um flugvernd í almenningflugum (*), einkum 2. mgr. 4. gr.,

og að teknu tilliti til eftirfarandi:

- 1) Framkvæmdastjórninni ber, þegar þörf krefur, samkvæmt reglugerð (EB) nr. 2320/2002, að samþykkja ráðstafanir til að framfylgja sameiginlegum grunnreglum um flugvernd í öllu Bandalaginu. Reglugerð framkvæmdastjórnarinnar (EB) nr. 622/2003 frá 4. apríl 2003 um ráðstafanir til að framfylgja sameiginlegum grunnreglum um flugvernd (†) var fyrsta gerðin þar sem mælt var fyrir um slíkar ráðstafanir.
- 2) Ráðstafanirnar, sem kveðið er á um í reglugerð (EB) nr. 622/2003, um takmarkanir á heimiluðum vökva farþega, sem koma með flugi frá þriðju löndum og hafa flugskipti á flugvöllum Bandalagsins, eru háðar endurskoðun í ljósi tæknipróunar, afleiðinga sem þetta getur haft á rekstur flugvalla og áhrifa á farþega.
- 3) Slík endurskoðun hefur sýnt að takmarkanir á heimiluðum vökva farþega, sem koma með flugi frá þriðju löndum og hafa flugskipti á flugvöllum Bandalagsins, skapa vissa rekstrarerfiðleika á þessum flugvöllum og valda viðkomandi farþegum óþægindum.

- 4) Framkvæmdastjórnin hefur einkum athugað tilteknar flugverndarreglur á flugvelli í þriðja landi og talið þær fullnægjandi og það land hefur hingað til starfað í góðri samvinnu við Bandalagið og aðildarríki þess. Á grundvelli þess hefur framkvæmdastjórnin ákveðið að grípa til aðgerða til að greiða úr framangreindum vandamálum ef um er að ræða farþega með vökva sem þeir hafa fengið á þeim flugvelli.
- 5) Breyta ber reglugerð (EB) nr. 622/2003 til samræmis við það.
- 6) Ráðstafanirnar, sem kveðið er á um í þessari reglugerð, eru ekki meðal þeirra sem, í samræmi við 1. mgr. 8. gr. reglugerðar (EB) nr. 2320/2002, skulu vera leynilegar og ekki birtar.
- 7) Ráðstafanirnar, sem kveðið er á um í þessari reglugerð, eru í samræmi við álit nefndarinnar um flugvernd í almenningflugum.

SAMÞYKKT REGLUGERÐ ÞESSA:

1. gr.

Viðaukanum við reglugerð (EB) nr. 622/2003 er breytt eins og fram kemur í viðaukanum við þessa reglugerð.

Ákvæði 3. gr. þeirrar reglugerðar gilda ekki varðandi leyn yfir þessum viðauka.

*2. gr.*Reglugerð þessi öðlast gildi á tuttugasta degi eftir að hún birtist í *Stjórnartíðindum Evrópusambandsins*.

Reglugerð þessi er bindandi í heild sinni og gildir í öllum aðildarríkjunum án frekari lögfestingar.

Gjört í Brussel 13. desember 2007.

Fyrir hönd framkvæmdastjórnarinnar,

Jacques BARROT

varaforseti.

(*) Stjórn. EB L 355, 30.12.2002, bls. 1. Reglugerðinni var breytt með reglugerð (EB) nr. 849/2004 (Stjórn. ESB L 158, 30.4.2004, bls. 1).

(†) Stjórn. ESB L 89, 5.4.2003, bls. 9. Reglugerðinni var síðast breytt með reglugerð (EB) nr. 915/2007 (Stjórn. ESB L 200, 1.8.2007, bls. 3).

Nr. 293

27. febrúar 2009

VIÐAUKI

Í stað 3. fylgiskjals komi eftirfarandi:

„3. fylgiskjal

Singapúr

Changi-flugvöllur.“

Fylgiskjal XX.**REGLUGERÐ FRAMKVÆMDASTJÓRNARINNAR (EB) nr. 23/2008**

frá 11. janúar 2008

um breytingu á reglugerð (EB) nr. 622/2003 um ráðstafanir til að framfylgja sameiginlegum grunnreglum um flugvernd

(Texti sem varðar EES)

FRAMKVÆMDASTJÓRN EVRÓPUBANDALAGANNA HEFUR,

með hliðsjón af stofnsáttmála Evrópubandalagsins,

með hliðsjón af reglugerð Evrópuþingsins og ráðsins (EB) nr. 2320/2002 frá 16. desember 2002 um sameiginlegar reglur um flugvernd í almenningsslugi ⁽¹⁾, einkum 2. mgr. 4. gr.,

og að teknu tilliti til eftirfarandi:

- 1) Framkvæmdastjórninni ber, samkvæmt reglugerð (EB) nr. 2320/2002, að samþykka ráðstafanir til að framfylgja sameiginlegum grunnreglum um flugvernd í öllu Bandalaginu. Reglugerð framkvæmdastjórnarinnar (EB) nr. 622/2003 frá 4. apríl 2003 um ráðstafanir til að framfylgja sameiginlegum grunnreglum um flugvernd ⁽²⁾ var fyrsta gerðin þar sem mælt var fyrir um slíkar ráðstafanir.
- 2) Þörf er á ráðstöfunum til að gera sameiginlegu grunnreglurnar nákvæmari. Að því er varðar vörpun hættuhermimynda (TIP) skal mæla fyrir um nothæfiskröfur. Íhuga skal að endurskoða þessar kröfur með reglulegu millibili og a.m.k. á tveggja ára fresti til að tryggja að þær haldi áfram að endurspegla tæknipróun, einkum að því er varðar stærð tiltæks safns sýndarmynda.
- 3) Vörpun hættuhermimynda skal notuð til að bæta frammistöðu vopnleitarmanna sem skoða bæði handfarangur og lestarfarangur með því að endurvarpa sýndarmyndum af hættulegum hlutum í röntgenmynd af farangri. Ákvarða skal lágmarks- og hámarks hlutfall sýndarmynda af hættulegum hlutum sem endurvarpað er í myndir af farangri. Kerfið, sem

varpar hættuhermimyndum, skal láta vopnleitarmenn, sem bregðast við myndum af farangri, vita hvort þeir hafi brugðist við með réttum hætti við greiningu sýndarmyndarinnar af hættulega hlutum. Að auki skal safn sýndarmynda, sem notað er til vörpunar hættuhermimynda, stækkað og endurnýjað reglulega svo taka megi tillit til nýrra, hættulegra hluta og til að koma í veg fyrir að sýndarmyndirnar verði of kunnulegar.

- 4) Upplýsingar um nothæfiskröfur öryggisbúnaðar, þ.m.t. vörpun hættuhermimynda, á flugvöllum, skulu ekki gerðar almenningi aðgengilegar þar sem hugsanlega má misnota þær til að sniðganga flugverndareftirlit. Aðeins eftirlitsfyrirvöld og framleiðendur búnaðar skulu hafa aðgang að þessum upplýsingum.
- 5) Breyta ber reglugerð (EB) nr. 622/2003 til samræmis við það.
- 6) Ráðstafanirnar, sem kveðið er á um í þessari reglugerð, eru í samræmi við álit nefndarinnar um flugvernd í almenningsslugi.

SAMÞYKKT REGLUGERÐ ÞESSA:

1. gr.

Viðaukanum við reglugerð (EB) nr. 622/2003 er breytt eins og fram kemur í viðaukanum við þessa reglugerð.

Ákvæði 3. gr. þeirrar reglugerðar gilda varðandi leynd yfir þessum viðauka.

2. gr.

Reglugerð þessi öðlast gildi 1. febrúar 2008.

Reglugerð þessi er bindandi í heild sinni og gildir í öllum aðildarríkjunum án frekari lögfestingar.

Gjört í Brussel 11. janúar 2008.

Fyrir hönd framkvæmdastjórnarinnar,

Jacques BARROT

varaforseti.

⁽¹⁾ Stjótið. EB L 355, 30.12.2002, bls. 1. Reglugerðinni var breytt með reglugerð (EB) nr. 849/2004 (Stjótið. ESB L 229, 29.6.2004, bls. 3).

⁽²⁾ Stjótið. ESB L 89, 5.4.2003, bls. 9. Reglugerðinni var síðast breytt með reglugerð (EB) nr. 1477/2007 (Stjótið. ESB L 329, 14.12.2007, bls. 22).

Nr. 293

27. febrúar 2009

VIÐAUKI

Í samræmi við 1. gr. er viðaukinn leynilegur og skal ekki birtur í *Stjórnartíðindum Evrópusambandsins*.

B-deild – Útgáfud.: 19. mars 2009